



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Capitvlo Capvano.

**urn:nbn:de:hbz:466:1-20006**

*HIEROSOLYMITANO Patriarchæ, Liddensî Episcopo, Hierosolymitan Hospitalis & militia Templi Magistris.*

*Epist. 189. Ut collectam transmissamque eleemosynam fideliter distribuant, & de statu terræ sanctæ rescribant.*

**T**Am ex litteris nostris quam relatione multorum propositum quod de subventionem terræ orientalis assumptimus, vobis jam credimus patuisse: quæ licet propter guerras & discordias, quæ peccatis exigentibus fortius & frequentius solito pullulant in populo Christiano, aliquandiu differatur, non tamen vobis debet fiduciam speratæ utilitatis auferre; cum etsi quidam, audito quòd cum Saracenis treugas inissetis, ad tempus aliquantum repuerint, nos non tepreamus in aliquo, sed proposito potius insistamus; quamvis propter impedimenta prædicta nec possibilitas voluntari plenè respondeat, nec affectus in omnibus concludat effectum. Quid autem super hoc à nobis & fratribus nostris, his præsertim quos ad hoc duximus specialiter deputandos, actum existat, & qualiter sit processum, discretionem vestram non credimus ignorare; cum per diversas provincias & litteras direxerimus & Legatos ad exhortandos populos ad subsidium vestrum, & Ecclesiarum Prælatos ad id mandaverimus ecclesiastica districtione compelli. Apostolorum igitur vestigiis inhaerentes, qui collectas faciebant in gentibus, ut fratribus in Hierusalem indigentibus subvenirent, navim expensis propriis fieri fecimus, & frumento collecto ex fidelium eleemosynis onerari: quod per dilectos filios Raymundum Hierosolymitani Hospitalis & M. Militiæ Templi fratres & I. monachum duximus destinandum, qui de consilio vestro illud magis indigentibus gratis distribuant & discretè. Speramus enim quòd armis orationum & eleemosynarum adjuti, cum fuerit datum ab illo qui fortium arcus infirmat, & manus humilium docet ad bellum, qui non in numerositate bellantium sed in multitudine miserationum suarum salvos facit, de sua misericordia confidentes, id obtinebimus quod aliis non potuimus hactenus obtinere. Credimus etiam quòd Principibus & populis Christianis optata tranquillitate concessa, expectatum in Christo subsidium sentietis. Ideòque discretionem vestram monemus & exhortamur attentius, per apostolicam vobis

scripta mandantes, quatenus ad distribuendam gratis prædictam eleemosynam indigentibus discretæ provisionis aciem extendatis, & statum Hierosolymitanæ provinciæ nobis per litteras vestras frequenter & veraciter intimeris. Sicut enim expedit ut veri nobis rumores sæpius exponantur, sic est utile ut hi supprimantur penitus qui mixturam sapiunt falsitatis.

*CAPITULO CAPUANO.*

**C**Vm inter universas metropoles Capuana sit apostolicæ sedi vicinior, ad provisionem ipsius specialius aspiramus, talem ipsi personam præfigi cupientes, quæ sicut alios metropolitano loci vicinitate, sic & devotionis affectu præcellat, per quam & ipsa metropolis tam in spiritualibus quam temporalibus optatum suscipiat incrementum. Intelleximus autem per dilectos filios L. & P. Canonicos vestros, & litteras quas ad sedem apostolicam detulerunt, quòd ad Decanum & alios concanonicos vestros Panormi manentes, cum ex eorum parte vobis fuisset per litteras intimatum ut Ecclesiæ Capuanæ damna pensantes, sic tractaretis super electione substituendi pastoris, quòd nullum deberetis in eorum absentia nominare, quendam socium vestrum cum litteris destinatis, duodecim dierum terminum assignantes, infra quem, post receptionem litterarum vestrarum, iter arripere redeundi, quamvis ecclesiastica consuetudo non exigat ut ad electionem pastoris canonici tam remoti vocentur & illi præcipue qui longè antè quam vos Metropolitanis vestri obitum præsentialiter cognoverunt, quorum aliqui post ejus decessum ad Capuanam Ecclesiam sunt reversi. Quia verò mora longior in electionibus est valde suspecta, immo sæpe damnosa, discretionem vestram per apostolica scripta mandamus atque præcipimus quatenus invocata Spiritus sancti gratia, personam idoneam per electionem canonicam concorditer assumatis ad regimen Ecclesiæ Capuanæ; consequenter ad nostram præsentiam nuntios idoneos transmissuri, per quos à nobis vice regia postuletis assensum, & apostolicæ confirmationis gratiam requiratis; attentius provisi ut eo discretionis & caritatis studio procedatis, quòd nec in electione vitium nec in

*Epist. 190. Ut mature novum Episcopum eligant, non diu expectatis his qui longius absint.*

*Epist. 189. Ut collectam transmissamque eleemosynam fideliter distribuant, & de statu terræ sanctæ rescribant.*

electo defectus valeat inveniri. Alioquin & factum electionis revocaremus in irritum, & personas eligentium puniremus.

*UNIVERSIS CHRISTI  
fidelibus in Saxonia & Westfalia  
constitutis.*

*Epist. 191.  
Vt Livonien-  
sem Episco-  
pum, clerum,  
& Ecclesiam  
contra paganos  
defendant.*

**S**icut ecclesiasticae lationis censura compelli non patitur ad credendum invitos, sic sponte credentibus apostolica sedes, quae mater est omnium generalis, munimen suae protectionis indulget, & fideles ad defensionem eorum salubribus monitis exhortatur, ne si nuper conversis negatum fuerit defensionis auxilium, vel in primos revertantur errores, vel eos saltem poeniteat credidisse. Accepimus enim quoddam cum bonae memoriae M. Episcopus Livoniensis fuisset provinciam Livoniensem ingressus, in verbo Domini laxans praedicationis suae retia in capturam, inter populos barbaros, qui honorem Deo debitum animalibus brutis, arboribus frondosis, aquis limpidis, virentibus herbis, & spiritibus immundis impendunt, usque adeo Domino concedente profecit, ut multos a suis erroribus revocatos ad agnitionem perduceret veritatis, & sacri baptismatis unda renatos, doctrinis salutaribus informaret. Verum inimicus homo, qui tanquam leo rugiens circuit quaerens quem devoreret, invidens conversioni eorum pariter & saluti, persecutionem paganorum circumadacentium in eos iniquis suggestionibus excitavit, cupientium eos delere de terra, & de partibus illis Christiani nominis memoriam abolere. Ne igitur nostrae negligentiae valeat imputari si hi qui jam crediderunt, retro cogantur abire, nec praesumant aliqui fidem nostram recipere, si illi qui jam receperunt, a paganorum incurfibus remanserint indefensi, universitatem vestram monemus & exhortamur attentius, in remissionem vobis peccaminum injungentes, quatenus nisi pagani circa Livoniensem Ecclesiam constituti cum Christianis treugas inire voluerint, & initas observarint, ad defensionem Christianorum qui sunt in partibus illis potenter & viriliter in nomine Dei exercituum assurgatis. Nos autem omnibus de partibus vestris qui sanctorum limina visitare voverunt, praesentium auctoritate concedimus ut in voti commutatione emissi, in defensio-

nem Livoniensis Ecclesiae ad partes illas pro reverentia nominis Christiani procedant. Omnes siquidem qui ad defendendam Livoniensem Ecclesiam & Christianos in illis partibus constitutos divino zelo succensi duxerint transeundum, sub beati Petri & nostra protectione suscipimus, & eis apostolici patrocini beneficii impertimur. Datum Laterani III. Nonas Octobris.

*In eundem modum universis Christi fidelibus in Sclavia constitutis. In eundem modum universis Christi fidelibus trans Albiam constitutis.*

*CIVITATENSI EPISCOPO,  
Baronibus, Militibus, & universo populo  
in Comitatu Civitateni constitutis.*

**C**um defensio vestra pariter & tutela specialiter ad nos, non solum ex sollicitudine pastoralis officij, verum etiam balij ratione pertineat, praeter id etiam quod regnum Siciliae ad jus & proprietatem apostolicae sedis dignoscitur pertinere, ne ab aliquo sustinere possitis molestiam vel gravamen, paterna duximus sollicitudine providendum. Inde est quod dilecto filio nobili viro R. Comiti Theatino, viro utique provido & prudenti, nostris dedimus litteris in mandatis ut ipse, qui vicinitate vobis ad defensionem & tuitionem melius potest intendere, vos protegat & defendat, nec permittat vobis gravamen aliquod irrogari. Quocirca universitati vestrae per apostolica scripta mandamus & districtè praecipimus quatenus eidem nomine regio tanquam procuratori nostro a nobis super hoc constituto de cetero intendentes, in omnibus necessitatibus vestris ejus consilium & auxilium requiratis. Datum Laterani VII. Idus Octobris.

*CAPITULO FVNDANO.*

**C**assata olim electione Iohannis de Pastina, quem vobis elegeratis in pastorem, tam propter electionis vitium, quam electi defectum, vobis dedimus in mandatis ut conveniretis in personam idoneam pariter & honestam. Sed vos in vestra diutius contumacia persistentes, cassatam electionem nitebamini de novo innovare. Nos autem, licet potuissemus consulere per nos ipsos Ecclesiae tamdiu viduae pastore, adhuc tamen vos ad electionis concordiam curavimus

*Epist. 191.  
Vt Theatino  
Praefecto elec-  
tionis & obli-  
quantur.*

*Epist. 191.  
De electione  
Episcopi Fun-  
dani.*